

## 15. gr.

Stjórn Tryggingasjóðs og starfsmenn eru bundnir þagnarskyldu í samræmi við 43. gr. laga nr. 113/1996.

## 16. gr.

Til breytingar á samþykktum þessum þarf jáyrði þeirra er fara með 2/3 hluta greiddra atkvæða á aðalfundi. Til breytinga á 2. mál. 8. gr. samþykktanna þarf þó jáyrði allra greiddra atkvæða. Breytingin tekur ekki gildi fyrr en hún hefur hlotið staðfestingu ráðherra að fenginni umsögn Fjármálaeftirlitsins.

## 17. gr.

Samþykktir þessar eru settar af aukafundi Tryggingasjóðs sparisjóða 10. mars 2000 samkvæmt heimild í 19. gr. laga nr. 98/1999 með viðauka 6. október 2001.

Staðfesting viðskiptaráðherra 20. desember 2001.

**Valgerður Sverrisdóttir.**

## REGLUR

### **hjúkrunarfræðideildar Háskóla Íslands um meistaranám.**

## 1. gr.

*Almennt.*

Hjúkrunarfræðideild veitir menntun til meistarágráðu á þeim sviðum þar sem aðstaða og sérþekking er fyrir hendi. Náminu er ætlað að efla fræðilega þekkingu í hjúkrunarfræði, þjálfa hjúkrunarfræðinga í vísindalegum vinnubrögðum og auka færni þeirra í rannsóknar- og þróunarstörfum.

## 2. gr.

*Rannsóknánámsnefnd.*

Rannsóknánámsnefnd hjúkrunarfræðideildar fer með málefni meistaranámsins í umboði deildarráðs hjúkrunarfræðideildar. Hlutverk hennar er að skipuleggja nám til meistarágráðu í samvinnu við kennara deildarinnar, fjalla um umsóknir, samþykkja breytingar á námsáætlun (sbr. 3. gr.), skipa í meistaranámsnefndir, skipa prófdómara fyrir meistaraþróf (sbr. 11. gr.) og sjá um meistaraþróf.

## 3. gr.

*Umsóknarfrestur.*

Umsóknarfrestur er til 15. mars fyrir innritun á haustmisseri. Deildarstjórn er heimilt að leyfa einnig innritun á vormisseri. Umsóknarfrestur fyrir hana er til 15. september.

## 4. gr.

*Meðferð umsókna.*

Umsóknum skal skilað til skrifstofu hjúkrunarfræðideildar. Rannsóknánámsnefnd afgreiðir umsóknirnar og tilkynnir deildarráði um niðurstöðurnar. Afgreiðslu umsókna sem berast fyrir 15. mars (vegna innritunar á haustmisseri) skal að jafnaði vera lokið og þeim

svarað fyrir 25. apríl. Afgreiðslu umsókna sem berast fyrir 15. september (vegna innritunar á vormisseri) skal að jafnaði vera lokið og þeim svarað fyrir 15. október. Í boði eru tvær námsleiðir, annarri lýkur með 15 eininga lokaverkefni og nefnist sú leið *Eir*, hinni lýkur með 30 eininga lokaverkefni og nefnist hún *Freyja*. Umsóknum um báðar námsleiðirnar skulu fylgja námsmarkmið og umsókn um *Freyju* skal fylgja lýsing rannsóknarverkefnis, sbr. umsóknareyðublað.

Ferli umsókna:

- Stúdent sem velur námsleiðina *Freyju* finnur sér leiðbeinanda. Stúdent sem velur námsleiðina *Eir* setur sér námsmarkmið og lýsingu á samsetningu náms þar sem meginfræðasvið sem hann hyggst byggja á koma fram.
- Stúdent sækir um inngöngu í meistaranám á sérstöku eyðublaði sem fæst á skrifstofu hjúkrunarfræðideildar og er eyðublaðinu skilað þangað.
- Greint skal frá því hvort umsækjandi hyggst sækja um fjárstuðning í tengslum við námið (t.d. til Rannsóknánámssjóðs). Liggja fyrir drög að umsókn til sjóða skulu þau fylgja umsókn um meistaranám.
- Hjúkrunarfræðideild synjar nemanda ef umsókn uppfyllir ekki gæðakröfur eða samþykkir umsóknina og tilkynnir niðurstöðu bréflega um leið og hún liggur fyrir.
- Afgreiðsla í hjúkrunarfræðideild er tilkynnt til nemendaskrár um leið og hún liggur fyrir.
- Stúdent sem rannsóknánámsnefnd hefur samþykkt í meistaranám skal snúa sér til nemendaskrár og ganga frá skráningu sinni í námið. Þeir sem hyggjast hefja rannsóknánám á haustmisseri skulu ganga frá skráningu eigi síðar en 31. júlí, en þeir sem ráðgera að hefja nám sitt á vormisseri skulu skrá sig eigi síðar en 30. október.

#### 5. gr.

##### *Inntökuskilyrði.*

Til að innritast í meistaranám við hjúkrunarfræðideild þarf stúdent að hafa lokið B.S. prófi í hjúkrunarfræði frá Háskóla Íslands, eða öðru samsvarandi prófi. Miðað er við að nemandi hafi að lágmarki fyrstu einkunn (7,25) í aðaleinkunn úr B.S. prófi eða samsvarandi námi. Jafnframt þarf nemandi að búa yfir góðri enskukunnáttu. Umsækjandi þarf að hafa a.m.k. tveggja ára starfsreynslu í hjúkrun. Heimilt er að víkja frá reglunni um lágmarkseinkunn hafi umsækjandi t.d. sýnt fram á námshæfni og/eða hæfni í sjálfstæðum rannsóknnum.

Við inntöku er tekið mið af:

- einkunnum,
- starfsreynslu,
- greinargerð þar sem umsækjandi gerir grein fyrir markmiðum sínum með náminu, með sérstakri áherslu á fyrirhugað rannsóknarverkefni,
- einstaklingsviðtölum og
- ummælum vinnuveitanda.

#### 6. gr.

##### *Einingafjöldi og tímalengd náms.*

Meistaranám í hjúkrunarfræði er 60 einingar. Miðað er við að í eðlilegri námsframvindu sé lengd meistaranáms tvö ár og að jafnaði taki námið ekki lengri tíma en fjögur ár. Við brautskráningu skal sýnt að stúdent hafi verið skráður og greitt skráningargjald allan námstímann. Nemendur geta fengið 10 einingar metnar að hámarki úr sambærilegu námi á meistarastigi sem tengjast rannsóknasviði nemandans. Slík námskeið skulu metin til eininga hverju sinni.

## 7. gr.

*Samsetning náms.*

Námið felur í sér þjálfun í vísindalegum vinnubrögðum og er vinna að eigin rannsóknarverkefni og samning rannsóknarskýrslu og tímaritsgreinar sem byggist á henni a.m.k. helmingur námsins. Stærð rannsóknarverkefnis er ákveðin í námsáætlun og skal vera minnst 15 einingar en mest 45 einingar. Aðrar einingar fást með þátttöku í námskeiðum, semínörum og lesnámskeiðum. Stúdent í meistaranámi má að hámarki taka 5 einingar í lesnámskeiðum hjá kennara undir umsjón umsjónarkennara. Lesnámskeiðið skal vera á rannsóknasviði sem tengist rannsóknarverkefni stúdents en er ekki hluti af aðalverkefni. Námið felst í lestri tímaritsgreina og annarra heimilda sem valdar eru í samráði við kennara og umræðum um þær við kennara. Lesnámskeiði lýkur með ritgerð.

## 8. gr.

*Námskeið í grunnnámi sem hluti af meistaranámi.*

Miðað er við að ekki fleiri en 10 einingar komi úr námskeiðum í grunnnámi. Að jafnaði skulu gerðar meiri kröfur til nemenda í meistaranámi sem taka námskeið í grunnnámi sem hluta af námi sínu. Miðað er við að lágmarkseinkunn úr námskeiðum í grunnnámi sé 6.

## 9. gr.

*Umsjónarkennari og leiðbeinandi.*

Meistaraneimi skal frá upphafi náms hafa umsjónarkennara úr hópi fastra kennara í viðkomandi grein, sem hann ráðfærir sig við um skipulag námsins, val námskeiða og annað sem náminu tengist. Umsjónarkennari, ásamt stúdent, leggur fram námsáætlun sem hjúkrunarfræðideild samþykkir.

Leiðbeinandi leiðbeinir stúdent í rannsóknarverkefni. Umsjónarkennari og leiðbeinandi eru að jafnaði sami maðurinn. Nemanda er heimilt að hafa utanaðkomandi leiðbeinanda sem uppfyllir þær kröfur sem gerðar eru í þessum reglum. Séu umsjónarkennari og leiðbeinandi ekki sami maðurinn hefur umsjónarkennari umsjón með náminu en leiðbeinandi sér um að leiðbeina stúdent í rannsóknarverkefni.

## 10. gr.

*Kröfur til umsjónarkennara, leiðbeinenda og annarra sem leggja mat á námið og rannsóknarverkefnið.*

Umsjónarkennari skal ávallt vera fastur kennari (lektor, dósent eða prófessor) í viðkomandi grein. Ef leiðbeinandi meistaranema er ekki fastur kennari er nauðsynlegt að hann hafi sjálfur a.m.k. lokið meistaraþrófi. Gæta þarf þess að verkefni nemandans sé á sérsviði leiðbeinandans.

## 11. gr.

*Meistaránámsnefndir.*

Meistaránámsnefnd skal skipuð þremur sérfróðum mönnum og er einn þeirra umsjónarkennarinn. Í þeim tilvikum þar sem umsjónarkennari er ekki leiðbeinandi skal sá síðarnefndi einnig sitja í meistaránámsnefnd. Rannsóknanámsnefnd skipar meistaránámsnefndina. Hlutverk hennar er að fylgjast með að framgangur námsins sé í samræmi við námsáætlun og tryggja fagleg gæði rannsóknavinnunnar í samræmi við reglur deildarinnar.

## 12. gr.

*Prófdómarar.*

Rannsóknanámsnefnd tilnefnir prófdómara sem prófa meistaraneima og leggja mat á rannsóknarverkefni hans ásamt meistaránámsnefnd. Prófdómarar skulu ekki vera tengdir rannsóknarverkefninu.

## 13. gr.

*Námsmat og meistaraþróf.*

Um leið og ritgerð er lögð fram skal jafnframt leggja fram til mats rannsóknánámsnefndar staðfest námsferilsyfirlit stúdents.

*Námsleiðin Freyja (30 eininga lokaverkefni):*

Í meistaraþrófi flytur nemandi fyrirlestur um rannsóknarverkefnið (20-40 mín.) og hafa prófdómarar síðan samtals u.þ.b. klukkustund til að prófa nemandann. Prófdómarar ásamt umsjónarkennara, sem skipaður er af rannsóknánámsnefnd, meta frammistöðu nemanda og gefa honum einkunn (0-10).

*Námsleiðin Eir (15 eininga lokaverkefni):*

Er lokaverkefni liggur fyrir skipar rannsóknánámsnefnd einn prófdómara sem leggur mat á það ásamt kennara.

## 14. gr.

*Skil og frágangur meistaraþritgerða.*

Í meistaraþritgerð skal vera ítarlegur inngangur þar sem staða rannsókna á fræðasviðinu er rakin, aðferðafræði sem beitt var, niðurstöður, ítarlegar umræður og heimildaskrá sem skal vera samkvæmt almennum reglum vísindatímarita. Í ritgerð skal getið stofnunar sem rannsóknin var unnin við og tekið fram hverjir leiðbeinendur voru. Koma skal skýrt fram að verkefnið var unnið við Háskóla Íslands og geta skal þeirra sjóða sem styrktu verkefnið. Meistaraþritgerð skal skilað í fimm eintökum til skrifstofu hjúkrunarfræðideildar eigi síðar en sex vikum fyrir áætlaðan prófdag.

*Námsleiðin Freyja (30 eininga lokaverkefni):*

Auk meistaraþrófsritgerðar skal að jafnaði liggja fyrir handrit að tímaritsgrein sem send hefur verið til birtingar í erlendu ritrýndu tímariti. Hjúkrunarfræðideild tekur ekki þátt í kostnaði vegna meistaraþritgerða.

## 15. gr.

*Tengsl við aðra háskóla.*

Nemandi skal taka hluta meistaranámsins (5-15 einingar) við erlendan háskóla og/eða rannsóknastofnun.

## 16. gr.

*Lærdómstitlar.*

Að loknu meistaranámi hlýtur stúdent lærdómstitilinn M.S.

## 17. gr.

*Gildistaka o.fl.*

Reglur þessar sem samþykktar hafa verið af deildarfundum í hjúkrunarfræðideild og hlotið staðfestingu háskólaráðs, sbr. 2. mgr. 13. gr. laga nr. 41/1999 um Háskóla Íslands og 67. og 68. gr. sameiginlegra reglna fyrir Háskóla Íslands nr. 458/2000, öðlast þegar gildi.

Auk birtingar í B-deild Stjórnartíðinda, sbr. 1. mgr. 20. gr. laga nr. 41/1999, skal birta reglur þessar í kafla hjúkrunarfræðideildar í kennsluskrá og á heimasíðu deildarinnar.

*Háskóla Íslands, 2. janúar 2002.*

**Páll Skúlason.**

*Þórður Kristinsson.*